



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

Franciscvs Ivlianivs Venetus lectori felicitatem

urn:nbn:de:hbz:466:1-35578

FRANCIS

CVS IVLIANVS VENE-
tus lectori felicitatem



Aud sane me latet multos, vt humanog^e
neri opitularentur, & nomen sibi ex hoc
pararent, multa ingenij sui monumenta
reliquisse. Cum enim alia vetustate defi-
ciant, sola literarum monumenta & æter-
na sunt, & mortalium res eternitati com-
mendant. Nihil sane æque humanum est, quam alteri
prodesse. Quomodo enim melius ciuitum cœtus publice
priuatimque, nisi ab homine adiuuentur? Huiuscemodi
igitur viris de humano genere bene meritis templadi-
cata, aræ erectæ, statuæ consecratæ fuere. Quid igitur
Marci Maruli singularis viri laudibus par referemus?
Cuius vigiliæ cæterorum labores adeo superant, vt
quanto illi cæteris præstiterunt, tanto hic ipsis præstã-
rior iudicetur, qui tanquam lucidum sidus hac nostra
ætate enituit, qui non solum sibi natus, immo ad com-
munem omnium vtilitatem nullis sudoribus parcat, vt
hominibus auxilio sit: viuit, vt nos viuere faciat: labo-
rat, vt quietem inueniamus, vt inquam bene beateque
viuendo (prout ipse præ cæteris docet) cælorum sedes
sortiti, beati æuo sempiterno fruamur, nosq; etiã in
diuorum numere reatos mortales ipsi ceu numina co-
lant. Quid hoc maius excogitari potest? Spreuit diuiti-
as, spreuit honores, ab his in quibus summum bonum
mortales collocant, se penitus abdicauit. Quid cætera
commemorem, cum paruula admodum sæpius inclu-
sus cella, inter syluestres arbores, feris tantum comita-
tus vitam degat, vt his curis alienus, nobis profir. Scri-
ptis semper vacat, quæ salutem vniuerso terrarum or-
bi afferant, his se penitus addixit. Quid hoc viro,
immo diuino spiritus sanctius, quid beatius, qui in car-
ne præter carnem viuens cælestem vitam in terris agit?
Quis itaque tam assiduam eius in scribendo curam
non admiraretur, præsertim cum plurima ab eo volu-

mina iam perfecta sint? Adde scribendi facilitatem, ser-
monis elegantiam, quodq; verborum pondere, senten-
tiarumque grauitate nulli concedit. Interdū tamen se-
dati annis more labitur, modo paulum assurgens, sine
vllis salebris quasi torrēs pro rei qualitate decurrit in
citator. Acerrime vitia insectatur. Taceo multiplicem
literarum cognitionem, vt vtrum elegantiore stylo,
an doctrina magis valeat non facile possis diiudicare.
Donauit itaque nos diuino hoc opusculo, vt alias alia,
Cui euangelistarum nomen indidit, ex intimis sacræ
theologiæ fontibus, abditaque vtriusque instrumenti
lectione haustum. Totam tripartitam moralem philo-
sophiam complectitur. Cuius diuina cōsilia si exequen-
da curabimus, in diuorum quidem cœtu gaudebimus.
Quo igitur maiori munere donari potuimus? Quare
quantum ipsi debemus, quis verbis queat consequi? Co-
mendauit hoc salutiferum opus Francisco Lucensi sa-
cerdoti integerrimo (Cui enim aptius diuina commen-
dari possunt, quam illi qui quotidie diuina atrectat?)
Qui vt bonos & doctos viros colit, & ab eisdem colit-
tur (Simile enim simili veteri prouerbio facillime hæ-
ret) ita illorum opera vt quam emendatissima excudan-
tur, vehementer laborat. Leges itaq; opus a viro & do-
ctissimo & optimo elucubratum: a sacerdote vero ra-
rissimo diligentissime excusum. Tu igitur nocturna ver-
sato manu, versato diurna, cum tantum vtilitatis ex ha-
ius lectione capturus sis. Bñ vale, & deum optimum
maximum deprecare, vt Marulo nostro Nestore
os annos largiatur, ipsumq; feliciter red-
dat. Expectato interim opus eiusdē Maru-
li de imitatione Christi compluraque
opuscula Christianæ pietatis cul-
tori fructuosissima. Iterum

V A L E.